

嘉慶松江府志

松江府志卷八十



祥異志

自來識緯家言儒者恒不屑道矧我

國家中和位育品物咸亨調變所周直與天地相參贊不
惟異無足憑亦祥無足紀然而人事之休咎兆在先
幾誠形之理自不可掩是又都人士所當鑒而知畏
者也志祥異

秦始皇時長水縣

卽由拳縣亦曰四倦

有童謠曰城門當有血城陷

沒爲湖一老嫗旦旦往窺城門門侍欲縛之嫗言其故
嫗去後門侍殺犬以血塗門嫗又往見血走去不敢顧

忽大水至淪陷爲谷因目曰谷水

神異傳

漢海鹽縣淪沒爲柘湖移治武原復陷爲當湖今柘湖在

華亭界又溼爲平陸矣

顧志

文帝十二年癸酉吳地有馬生角

干寶搜神記

三國吳黃龍三年辛亥夏由拳野稻自生

冊府元龜

建興二年甲辰十一月有大鳥五見於春申吳人以爲鳳

皇明年改元爲五鳳

晉書五行志

晉惠帝元康中吳郡婁縣懷瑤家忽聞地中有犬子聲掘之得犬子雌雄各一目猶未開形大於常犬也哺之而食左右咸往觀焉長老或曰此名犀犬得之者命家富

昌搜神記晉書五行志云
覆以磨石經宿失所在

成帝咸和六年辛卯春正月丙辰月入南斗占曰有兵是

月石勒將劉徵從海道入寇殺略婁武進二縣宋書天文志

安帝隆安四年庚子十二月太白在斗晝見至五年正月

乙卯按占災在吳越四年五月孫恩復破會稽五年孫

恩攻句章高祖拒之五月吳郡內史袁山松出戰爲所

殺宋書天文志隆安初吳郡治下狗恆夜吠聚高橋上人家

犬有限而吠聲甚衆或有夜出覘之者曰狗皆有兩三

頭皆前向亂吠無幾孫恩亂於吳會宋書五行志

晉末亭林地裂數尺中有波濤聲探之火起顯志

宋成帝永初二年庚申夏六月白鳥見吳郡婁縣太守孟

顛以獻

宋書符瑞志

文帝元嘉十七年庚辰劉斌爲吳郡婁縣忽有一女子夜乘風雨恍惚至郡城內自覺去家炊頃衣不沾濡曉在門上求通言我天使也府君宜起迎我當大富貴不爾必有凶禍斌謂是狂人以付獄符其家迎之數日乃得

去後二十日斌誅

宋書五行志

齊明帝建武二年乙亥三年丙子四年丁丑每秋七月八

月輒大風三吳尤甚發屋折木殺人

南齊書五行志

梁武帝天監元年壬午八月壬寅熒惑守南斗占曰糶貴

五穀不成大旱多火災吳越有憂是歲大旱米斗五千

人多餓死

隋書天
文志

隋文帝開皇十二年壬子五月癸巳有流星隕於吳郡爲

石其後大軍破逆賊劉元進於吳郡斬之

隋書天
文志

唐高祖武德七年癸未河閒王孝恭征輔公祜宴羣帥於

舟中孝恭以金盃酌江水將飲之化爲血孝恭曰盃中

之血公祜授首之祥

新唐書
五行志

穆宗長慶四年甲辰蘇湖二州大水太湖決溢

文獻
通考

宋太祖建隆二年辛酉秋七月壬戌大風拔木九月庚戌

夜所在地震響如雷

吳越
備史

建隆初澱湖三姑廟後一山涌出波浪隱隱與水平久

之寢大

願志

真宗乾興元年壬戌秀州水災民多艱食

宋史五
行志

仁宗天聖元年癸亥六月蘇秀二州湖田生聖米飢民取

之以食

文獻
通考

皇祐二年庚寅十一月丁酉夜秀州地震有聲自西北起

如雷

宋史五
行志

神宗元豐六年癸亥正月大雨至六月太湖汎溢蘇湖秀
等州城市並遭水浸田不布種廬舍漂蕩民棄田賣牛

散去乞食

范祖禹論浙
西賑卹狀

哲宗紹聖元年甲戌蘇秀等州海風壞民田

元符二年己卯六月久雨是歲兩浙湖秀等州尤罹水患

徽宗大觀三年己丑八月蘇湖常秀諸郡水災以上宋史五行志

政和五年乙未蘇湖常秀諸郡水災文獻通考鹹潮入內地四

鄉皆爲斥鹵民流徙他郡願志

高宗紹興四年甲寅冬十一月丁未夜秀州華亭縣大風

電雨雹大如荔枝實壞舟覆屋夷堅志

九年己未大饑斗米千錢道殣相望願志

二十年庚午十月丁未秀州華亭風雷雨雹激射如箭

彈覆舟壞屋宋史五行志

孝宗隆興二年甲申平江府常秀州華亭縣大饑人食糶

糠

文獻通考

淳熙二年乙未大風有二龍戰於澱湖殿宇浮圖爲之飛

動頃之龍蟠護其上遠近皆見之

顧志

光宗紹熙五年甲寅七月乙亥秀州大風駕海潮害稼

文獻

通考

元世祖至元二年乙丑順州及淮西安豐松江饑

二十九年壬辰六月鎮江常州平江嘉興湖州松江紹

興等路府水

元史五行志

仁宗皇慶二年癸丑松江府大風海水溢

元史五行志

延祐元年甲寅大旱袁介有踏災行

張之象
上海志

文宗至順元年庚午秋閏七月平江嘉興湖州松江三路

一州大水壞民田三萬六千六百餘頃被災者四十萬

五千五百餘戶

元史五行志

松江府飢民萬八千二百戶命

有司從宜賑之

文宗紀

三年壬申杭州鎮江嘉興常州松江江陰水旱疾疫敕

有司發義倉糧賑飢民五千七萬二千戶

元史文宗本紀

順帝元統二年甲戌夏五月雨雹大者如雞子小者如蓮

葇雹有一眼若珊瑚然

顧志

至元二年丙子松江大旱

三年丁丑歲饑夏六月民訖言有欲括男女爲奴婢一

時嫁娶殆徧

輟耕錄

至正四年甲申李君佐過浦見一青雞立於日上不見其

足李拜竚觀至沒而去

楊瑀山居新語

六年丙戌冬閏十月癸卯夜松江普照寺西業帽者失

火延燎五千餘家

陳志

八年戊子夏四月辛未平江松江水災

元史順帝本紀

十一年辛卯夏普照寺僧房一敝帚開花

輟耕錄

十五年乙未秋七月己丑夜有星大如杯盃色白而微

青尾長四五丈其光燭天憂然有聲由東北方飛入月

中時月如仰瓦正承之無偏倚明年二月官軍亂越三

日苗軍復大殺掠兩月乃息

漢獻帝時一次星入月天下亂宋丁亥歲再見兩淮

亂見張端義貴耳集是時天下已亂而松江之禍尤慘豈獨應其兆也

郭志

十六年丙申春正月風涇戴君實家柳樹若牛鳴者三

不一月苗軍至又兩月屋燬於兵

輟耕錄

十七年丁酉上海民家雞伏七雛一雛作大雞狀鼓翼

長鳴

郭志

二十一年辛丑夏四月朔辛巳日將沒忽無光作蕉葉

樣天黑如夜星斗燦然食頃日乃復明

王隱晉書日無光臣有陰謀京

房易傳曰臣專刑茲謂分威日蒙蔽而不明按元史天文志是日有食之據顧志所載似是食既故存之

考以備

二十二年壬寅秋八月上海民家闖牡狗生小狗八其

一爪吻紅如血

牡物而生見陽化陰也犬屬金爪吻紅火也兵火之象

並顧志

二十四年甲辰夏四月十五日五保楊巷西青庵廊屋

一十九間每間屋柱有聲若以桶覆水面而擊其底以

手按之則振掉而起經時乃止

乾坤變異錄人君宮室無故有音聲主兵起若

人家主

家亡 六月二十三日夜四更松江近海去處潮忽驟

至人皆驚訝以非正候至辰時潮方來乃知先非潮也

湖泖素不通潮此地忽平涌起高三四尺平江嘉興路

亦如之

五行志云水自盈溢主兵興乾坤變異錄

河水大涌臣下執政有背叛

穀耕錄

二十六年丙午上海牧羊兒見流光中隕一魚

五行志云天隕

魚人民失所之象張氏有國時松江上海邑中墜一海魚長幾

二丈名曰闕霸

農田餘話

元末金山鐵工妻張氏一產三男楊維禎有詩

郭志

明太祖洪武三年庚戌秋七月十六日大風從海上來塵沙蔽空中有物如鳥鳶亂飛又類屋瓦南橋寺旛竿爲之折至沙岡漸下集於里人林彥英家風息視之垣屋

四圍皆楮幣也家遂溫裕人呼鈔飛林

林氏家傳

按山居新話後至元時青村鹽場有蘆一枝飛空中後有鈔隨之而飛集於里人林清之佛堂閣上與此

小異

八年乙卯十二月嘉興松江俱水

明史五行志

二十三年庚午海溢松江海鹽溺死竈丁二萬餘人

滄

品小

成祖永樂元年癸未上海饑

明史五行志

二年甲申六月蘇松嘉湖四府饑

明史

秋七月初二日風

雨大作海溢漂溺千餘家

顯志

田爲鹹潮所浸苗盡槁山

縣志

三年乙酉夏六月翔雨至十日高原水數尺窪下丈餘

顯志

仁宗洪熙元年乙巳夏蘇松嘉湖積雨傷稼

明史

英宗正統三年戊午富林焦震家生瑞竹二本異梢同幹
森然齊長七年瑞竹再生震隱居教授與弟兩友愛深
至人以爲和氣所鍾

王昶青
補志

四年己未七月蘇松常鎮四府大風拔木殺稼

明史

九年甲子秋七月十七日大風拔木發屋雨晝夜不息

湖海漲壅平地水深數尺壞室廬無數濱海居民有全

村漂沒者

周文襄
枕奏疏

冬十二月大雪七晝夜積一丈二尺

民居不能出入就雪中開道往來郡城一望皆白明年

有倭寇之亂

陳志

景帝景泰四年癸酉七月蘇松淮揚廬鳳六府皆水

明史

五年甲戌正月大雨雪四旬不止湖泖皆冰夏大疫死

者無算

郭志

七月蘇松大水

明史

英宗天順五年辛巳七月崇明嘉定崑山上海海潮衝決

溺死萬二千五百餘人

明史

憲宗成化八年壬辰秋七月十七日大風雨海溢漂沒死

者萬餘人鹹潮所經禾稼泣槁

郭志

十一年乙未夏四月地大震生白毛

陳志

十七年辛丑春夏旱秋七月大風雨九月朔雨至於冬

十月禾不登十一月冬至大雷電雨雪明年饑

張之象上海志

孝宗宏治四年辛亥雨水害稼五年復然是春芥生華亭

學聚奎亭下蔭地丈餘葉大如芭蕉花出牆一尺許

明許華

縣志

八年乙卯蘇松嘉湖四府饑

明史

十一年戊午夏六月江海泖湖水溢

郭志

十二年己未蘇松常鎮大雨彌月漂室廬人畜無算

明史

十四年辛酉十月地震

郭志

十六年癸亥夏四月大雨雹損麥沙岡牛馬有擊死者

上海張志

蘇松常鎮夏秋旱九月甲午南京及蘇松七府同

日地震

明史五行志

十七年甲子夏六月西北五色雲見初若鳳一羽俄數

如連山光華爛然移時遁散

郭志

是年薛山顧廷儀家生

瑞竹一莖兩幹

王昶青浦志

十八年乙丑秋九月有風如火從東南來已而地大震後數日有星東北流墜於海越明年有秦璠王良之變

王昶青浦志

武宗正德元年丙寅大風雨海溢

金山縣志

四年己巳秋七月初六日雨至十一日晝夜不止人民

廬舍多漂沒先是上海南山有虎食人北延橫柳之上

水至而去是冬極寒竹柏多槁死橙橘絕種數年市無

鬻者

羅紀圭峯集

黃浦潮素洶涌亦冰厚數尺經月不解

上海

張志

五年庚午春二月華亭白沙鄉十四保胡經家樹鳴夏
麥多歧穗陸文裕有瑞麥賦六月大風破田圍民流離
飢疫死者無算秋九月晦訛言有兵至市人頽而東居
民驚走婦女有投井死者

郭志

六年辛未夏六月龍見黃浦東南所過焦禾壞屋

郭志

七年壬申鳳陽蘇松常鎮旱

十二年丁丑蘇松常鎮嘉湖諸府皆水

並明史
五行志

十三年戊寅秋八月上海大水有九龍鬪於海

陳志

十四年己卯秋八月大風雨損稼民飢

華亭孫志云戊
寅己卯兩罹水

災饑饑薦臻撫綬束手民益
貧感官租逋欠至累萬石

十五年庚辰春二月丙戌雷火燬金山衛城樓及華亭

縣學奎星樓

陳志

世宗嘉靖元年壬午夏六月上海黃氏僕萬全妻生子頭

頂左右有肉角目在額上形如夜叉棄諸河秋七月大

風雨壞官舍民居崇壽寺銀杏樹大數圍拔而仆地至

冬忽一夕自立

上海張志

二年癸未夏六月朔大雨震雹火燔縣南松江道院經

日始息

上海張志

八月蘇松常鎮四府大水

明史

三年甲申春二月夜地震

華亭志

四年乙酉橫涇農孔方脅下產肉塊剖視之一兒宛然

明史五

行志

八年己丑秋七月飛蝗蔽天颶風大作驅蝗入海遺種

化爲蟹食稻

郭志

九年庚寅蘇松旱

明史

十二年癸巳夏六月中蛟起鱷鱉鎮禾苗傷盡

郭志

十八年己亥秋閏七月上海海嘯風從東北起漂沒人

民數萬

南匯志

旱蝗食禾幾盡

王昶青浦志

十九年庚子六月蘇松大水溺死人數萬七月寧紹蘇

松常五府濱海潮溢傷稼淹人

明史

二十三年甲辰旱二十四年大旱米踊貴

郭志

二十六年丁未大風中見古木爲屋出沒巨浪中風狂雨驟咫尺莫可辨忽有異香細縵從塔中出塔頂金光

獨見

御塔志

二十八年己酉青浦地生白毛

王昶青浦志

三十年辛亥地產白毛有黃色如駝者尺餘

劉垓金山衛志

先

是民謠曰地上白毛生妻兒老少一同行高橋鎮民家

雞忽作人言曰燒香望和尚一事兩勾當明年倭奴浮

海燒香羊山遂登岸劫掠人民逃散是其應云

上海張志

有

二虎浮海至金山衛傷三人

金山志

魑魍有婦人生髭鬚

陳志

三十二年癸丑春正月日食晝晦至初六日黑日亂墜

移時乃止

王昶青浦志

青浦舊治將廢邑屢生妖邑令夫人

方食次椀中一蝦蟆跳出盤旋几上驅之不去夫人驚

悸成疾卒邑尋廢

王圻青浦志

夏六月柘林民家產一兒甫

出胎卽逸牀下作啾啾聲斃之有毛角如夜叉獍鬼是

年倭巢其地

金山衛劉志

三十四年乙卯上海大疫六門出轉車日以百數棺肆

不能給多以葦席裹尸至有一家枕藉無人收斂者

上海志

張志

三十五年丙辰夏黑眚見

華亭志

冬十一月妖火見

時兵火之

後每見戰艦游行水上火中遙見人影動躍大雨如注燈亦不滅識者知為冤氣未殄云

金山縣志

三十七年戊午秋八月民間訛言有狐爲祟徹夜鳴金

警守踰月始定

陳志

三十九年庚申夏隕石於華亭五舍鎮越數日其石自

動忽一夕風雨失去

陳志

四十年辛酉夏五月癸未青浦佘山九蛟竝起涌水成

河

明史五行志

四十一年壬戌大饑斗米一百七十文飢民四出搶掠富戶困倉始盡有顧某者爲之魁知府臧繼芳擒治之

會米價稍平遂定

雲間雜志

四十五年丙寅秋大風雨城市廬舍多傾壞坊表石柱

皆搖動

上海張志

穆宗隆慶元年丁卯蘇松二府大饑

明史

三月上海枯樹竅

中煙出如縷夏四月民家生一豕其左臍爲人手冬民

閒訛言遣中使選宮女數歲者皆婚娶配多非偶

郭志

二年戊辰春正月華亭秀野橋油肆延燎數百家林木

俱焚冬十月夜雷電桃李花禾秀梅杏實

郭志

三年己巳夏六月朔海溢壞捍海塘大風從東南起人

畜漂沒無數鹹潮入內地螾蚘蟲爲害

南匯顧志

六年壬申七月七日有物轟轟飛至華亭海濱墜於地

乃鐘也鑄時年月具在識者謂其來自閩云

明史五行志

神宗萬歷二年甲戌冬十二月丙辰大風自西北來倒屋

拔木飛瓦一晝夜不息

郭志

三年乙亥夏五月丁卯大風海溢壞捍海塘

濠關六百五十丈自

沙二百丈漂沒廬舍死者數百人鹹潮入內地經歲爲斥鹵

六月毒熱農夫耕牛多中暑死

金山衛劉志

五年丁丑夏六月蘇松連雨寒如冬傷稼

明史五行志

冬十

月彗星見西方大如車輪

陳志

六年戊寅冬澱湖涌冰成山約高數丈長二里許

先是居民

聞萬馬聲從牖中窺之見燈火千餘
及明乃見冰山月餘始融釋

陳志

十年壬午秋七月十三日海溢湖過捍海塘丈餘漂沒

人畜無數又大風雨徹晝夜壞稻禾木棉是歲饑

南匯
顧志

冬十月十三日暴風從西北來江濤陡作舟皆覆沒縣

丞曹詩以公事詣府溺死

上海
張志

十一年癸未春正月朔乙卯地震器物相軋有聲青浦

雨血

郭志

十四年丙戌春二月乙未晦雨黃沙是日擷野蔬食者

皆死

上海
張志

冬蘇松木冰

明史

十五年丁亥春正月癸卯雨木冰

陳志

五月至七月蘇松

諸府淫雨禾麥俱傷

明史 按上海張志云 自春及冬僅兩月晴

夏秋異雷

颶風麥禾花豆俱淹折

南匯 顧志

七寶民家生八足豕小蒸

鎮顧家黑豕化爲白

郭志

十六年戊子春大旱舟膠人行水底有得古器物者

塔洲

志有物如猴盤旋李塔匯延壽院塔頂數日方去

或曰旱魃

也五月大水秋七月壬申大風拔木發屋田禾皆盡民

大飢食糠糶繼以草根木葉自經赴水者甚衆

郭志

十七年己丑春正月雨木冰如箸大饑夏五月大旱至

七月不雨洲湖涸六月十八日夜月中飛雪紛落如絮

孽之皆六出秋七月月中有白小星迸出如珠

陳志辛巳

海溢自一團至九團幾及百里飄沒廬舍數千家男女

萬餘口六畜無算

南匯
顧志

居民從海濱撈尸忽訛言倭寇

至民奔上海城蹈藉死者數千人

陳志

十八年庚寅大疫饑

十九年辛卯冬十月雷電雨雹

金山志

二十年壬辰秋七月超果寺南民家產一雞冠散垂如
綫中有一角丁卯夜有星貫月而出冬十月丙午地震

郭志

二十一年癸巳春正月己未府堂墀下有黑氛一道沖

西北而上

據目
鈔

二十二年甲午春三月有鹿高丈餘自狼山渡海循海南行至上海在黃浦中絕流而過縣官以十餘舟載矢石擊殺之

二十三年乙未春正月天鼓鳴地震起西方至東南屋

宇動搖

竝郭志

二十四年丙申十二月二十三日泖塔潮音閣大士忽見白毫光如匹練長互千尺是日風從東北來幢幡反

飄東北去人以爲異

泖塔志

二十五年丁酉春二月天降黑雨著衣如墨點夏五月戊午鍾賈山蛟起崩西南隅一角

郭志

二十六年戊戌秀野橋張氏竈下地涌血三月上海二十九保民家婦有娠忽嘔出一兒寸許形體略具驚擲之卽失所在

陳志

二十七年己亥秋七月甲戌薄暮聞空中鬼聲俄而遍地皆是時以紙炮震之民間謠曰天上鬼車叫城中俱放炮不知因甚來朝廷要納鈔次年太監孫隆率奸徒建稅司於雲間第一橋凡支河悉置鎖柵令械船四出巡擄商賈被害民不堪命

郭志

是歲新場民嚴四家生一

豕人首體白鼻方而長前足皆人手

范謙據目鈔

二十八年庚子上海倉側民家產水犢兩首六足前四

後二

陳志

二十九年辛丑春夏蘇松嘉湖淫雨傷麥

明史

三十二年甲辰有二龍關於黃浦孫家灣其旁大木盡

拔毀民廬數十

郭志

三十五年丁未夏四月龍蟠李塔匯浮圖上雲霧四合

但見其尾食頃乃去塔頂回關有龍爪迹

雙志

六月有五

色大鳥集華亭三陽蕩高六尺許首有長羽飄颻

華亭志

秋九月有二虎浮海至金山衛傷三人

或曰鯨魚所化昔倭亂時亦有

二虎暴於海上金山衛劉志

三十六年戊申夏五月鳳凰山蛟起張弼墓前倏忽成

潭

王昶青浦志

六月白龍見於黃浦龍華港龍首有神立其

上

陳志通志云是年大水蘇松常鎮諸府皆被淹沒麥禾皆無民大饑

三十八年庚戌春三月庚子自昏徹旦鄉城鬼嘯壬寅

太清庵外有二馬奔入府廳事

郭志

夏四月癸未白虹貫

日

華亭志

四十年壬子夏四月華亭民徐氏家生一雞一首四翼

四足二尾

陳志

四十一年癸丑夏五月庚申夜大雨雷擊西林寺塔焚

三級火三日不絕戊寅夜兩雷電竟夕有鴉數百死塘

橋鎮後

陳志

冬十二月朱涇鎮東楊家浜有童子年十四

臍下忽見人面形頭口面畢具有目無光

雲開
雜志

四十五年丁巳冬十二月己未夜半大雷電

郭志

四十七年己未春正月朔乙酉五更鬼嘯如數十鬼車
鳥聲自東南至西北

光宗泰昌元年庚申秋八月丁卯日沒後有白虹數丈自
西北橫亙東南冬十月二十日寅刻震電是夜月圓如

望並陳
志

熹宗天啓二年壬戌春二月庚寅黃沙四塞日色黯白壬

辰雨沙蔽日

郭志

三年癸亥春三月癸卯天鼓鳴

郭志

六月熒惑入南斗魁

逆行辛巳以後守斗口七月乙卯夜順行復入鬼逾五

十日不退舍

陳志

連日地大震海上地生白毛冬十二月

地又大震聲如風雨自西北至東南屋宇搖動

南匯志

四年甲子春二月甲辰烈風雨沙日白無光三日

郭志

月庚辰黑虹見於南方其長亙天

陳志

五月霖雨壞禾稼

饑七月辛未地震若雷

郭志

五年乙丑春三月大雨雹傷麥

陳志

夏四月己亥風霾六

月夜聞空中兵刃聲南郊古樹出血

郭志

七月日下有暈

如黑日又有大星見東方紅芒四射

陳志

六年丙寅春二月辛巳大風雨雹殺麥七月朔颶風霖

雨大作拔木震屋府譙樓盡傾辛卯大風損廬舍冬十

二月大雪一夕五尺餘竹木折鳥獸多死

郭志

莊烈帝崇禎元年戊辰春二月雨雪

郭志

二年己巳大水

王昶青浦志

三年庚午冬十二月戊辰雷

郭志

四年辛未華亭泗涇鎮婦人李氏化爲男生一子上海

沙岡有虎出蘆中自黃浦入乍浦獲之

郭志

五年壬申夏四月雨血自五竈港迤西北去是年大荒

米騰貴民飢

六年癸酉春二月雨沙七月丙午大風雨傷禾稼壞廬

舍八月朔南匯一日三潮

並南匯願志

八年乙亥春大水二月民訛言夜有狐妖沿海因傳倭

警男女奔竄

郭志

九年丙子春三月癸丑雨黃沙夏六月大旱秋七月華

亭民家生一雞三足冬十一月癸亥華亭雨血鄰人李

震有詩

華亭志

十二月極寒黃浦柳湖皆冰

王昶青浦志

十年丁丑冬十一月丁卯雨紅沙如血

華亭志

十一年戊寅夏四月己未華亭包家橋民婦一產三男

郭志

十二年己卯春有二大魚至海濱

一在金山縣天妃宮前黑色無鱗長數十

丈割之腸如車輪舌長丈許一
在青村者白色差小皆無睛

夏超果寺鐘自鳴釜底

煤皆作花

郭志

十三年庚辰飛蝗蔽天大旱

王昶青浦志云春夏不雨禾苗枯翻種

花豆六月大雨又翻種禾苗秋冬又無雨歲遂大饑

十四年辛巳春二月朔丙午黑霧降甲寅雨黃沙陰霾

四塞三月戊寅風沙蔽天夏大旱蝗米粟踊貴餓殍載

道五月興聖院塔後岸閒出泉味不甚甘知府命塞之

秋八月海潮日三至是月大風雨冰害稼

郭志

十五年壬午春蝗蝻生遇雨化為鰕蟹秋七月有雉升

海治屋而雉冬十月丙午至夜疾雷烈風大雨折木飛

五郭志

十六年癸未松江五月至七月不雨河水盡涸而泖水

忽增數尺

明史五行志

冬十月朔癸卯黃霧四塞

郭志

十七年甲申春正月華亭縣學火焚兩廡金山衛枯樹

自焚池坎流血二月有四白燕巢於府城東門

郭志按華亭

志作乙酉春三月與此詳略互異

三月東南蚩尤旗見

青浦王志

國朝順治元年甲申秋大風海溢鹹潮自歇浦而入漂廬

舍泮禾稼壞捍海土塘五百十餘丈

漂闊四百一丈二尺六寸柘林東西

一百六丈七尺四寸
詳見曹家駒海塘議

二年乙酉春民間甌底生花浪如刻畫或爲折枝如菌

舊狀

婁志

夏五月初五日大吳橋楊冠妻產一子三目額

有兩角

華亭志

四年丁亥柳西有虎守兵迎其首射之中目而殪

王昶青浦志

志

夏四月初三日大風雨冰雹擊傷牛馬麩麥地生白

毛

婁志秋大水

華亭志

七月二十一日黃浦一日三潮

南匯顧志

冬十二月初八日黃霧四塞

華亭志

六年己丑秋七月二十日將晚日中黑氣一道直冲天

頂須臾海中亦起一道與日中黑氣相接如橋至暮而

沒

上海志

七年庚寅夏黑虹夾日首尾垂地

華亭志

八年辛卯夏四月至五月大雨河水溢六月有龍於漕涇取水提一舟入田中大雨數尺田苗淹沒是歲米價

翔貴每石至四兩

青浦志

九年壬辰夏亢旱

婁志

人行魚道溝底鑿井水鹹渾而臭

是歲大饑

南匯顧志

冬十一月十三日大雷震三次

十年癸巳春三月大風兩雹夏五月大雨兼旬河水溢

六月又大兩傷稻

青浦志

是年金山衛萬壽寺有甘露

志

十一年甲午冬泖澱凍合數日人行冰

青浦志

十二年乙未春二月初五日地震有聲如雷自北而南

青浦志夏六月初八日又震冬十二月上海大東門外民

婦懷妊十二月生一物如豬眼在耳邊徧體生毛上海志

十四年丁酉七寶民家生男兩首青浦志秋七月初三日

雷震上海東門城堞知縣陸宗贄卜之曰龍騰七邑之

東當出元魁因命石工勒龍門二字志之後乙亥科朱

錦中會試第一上海志

十五年戊戌春地震有聲婁志夏四月金山衛有白虎突

入城負一嫗去守陴官兵格鬪復齧死四人民俱闔戶

翼日忽不見金山志歲冬十月二十九日金山衛西關

之幾四卒咆哮而去外有虎逐羣馬狂奔入城參戎命兵卒圍知所之所記與此略異秋八月二十三日地又震

十六年己亥春正月龍見多雨三月十六日未刻有星

陸地聲如雷

並華亭志

十七年庚子秋七月二十六日一日三潮

上海志

十八年辛丑春正月彗星見多雨秋七月一日三潮是

歲大旱歉收

青浦志

康熙元年壬寅歲大稔嘉禾重穎

華亭志

二年癸卯漁人在長泖捕一大魚重三十五斤狀如鱓

頭有五眼

青浦志

三年甲辰秋七月颶風浦水大溢飄來屋木徧滿塘外
有男婦附木而浮於海滌者川沙參將惠禎祥躬率將

士駕舟撈救全活甚衆

開世編

冬十一月朔彗星出翼軫

分野尾向西北初長二丈許漸減至五六尺歷五十餘

日至婁而滅

金山志

四年乙巳大旱

青浦志

六月望後有海鳥來止海岸

五年丙午六月十四日暴風驟雨河水頓漲四五尺坍

毀民廬無算川沙城中喬副憲石坊大聖寺脊及里中

十餘圍大樹是日俱拔有龍鬬於空中

並開世編

秋大熟斛

米二錢時湖廣江右價尤賤田之所出不足供稅富人

菽粟盈倉委之而逃百貨充斥無過問者百姓號爲熟

荒薛所蘊有豐逃行

專錄贊筆

六年丁未冬十二月雷虹見

青浦志

七年戊申夏六月十七日戌時地震自西北至東南屋宇撼搖河水盡沸約一刻止地生白毛

華亭志

冬十月地

震有聲

青浦志

八年己酉夏六月地震地生白毛長五六寸

青浦志

九年庚戌夏四月五月淫雨六月十一日驟雨烈風拔木倒屋三晝夜乃止翼日大水暴漲歲饑

華亭志

十年辛亥夏四月至秋七月亢旱

上海志

十一年壬子秋七月二十日龍陣燒田禾攝房屋入空中行人或隨風攝去冰雹有重至二二三斤者壓死牛馬

閏七月地屢震

華亭志

是年飛蝗蔽天自北而南所過但

食竹葉蘆穗無食禾者知府魯超自蘇州歸見蝗皆抱

穗死

許纘曾定
舫隨筆

十三年甲寅夏六月大風水溢傷禾冬十月霖雨

青浦志

十五年丙辰夏五月有星隕瓢湖岸陸地有聲居民掘

之見一黑石手按尚熱重十九斤擊碎以刀磨之火光

四射夏六月大水

青浦志

冬雨雪有雷十二月晦黑虹見

華亭志

志

十六年丁巳春正月朔大震電旋雨雪夏四月大旱地

震

華亭志 五月雨冰六月疫癘大作

青浦志

秋七月初六夕

月魄未弦形如彎弓頃之黑氣一道破月爲二相懸尺

許又破其半爲二相距稍近移時湊合如初一大星隨

之光如匹練

金山衛
劉志

十七年戊午夏四月初五日地震五月雨雪大旱歲禮

華亭志

華婁二邑大疫

閱世編

十八年己未春正月朔有黑氣自西屬東其長竟天夏

亢旱南鄉沙蟲傷菽金山衛城民家產子眼生額上頭

有肉角秋七月二十八日地震

華亭志

八月十六日黃泥

墩獲異魚無鱗人首龜背大如牛

金山志

八月初飛蝗蔽

天自江北而南迄於蘇松集於蘆葦不食禾稼

閱世編

十九年庚申春正月朔日有食之十五夜月赤無光夏

五月大水滿湖溢秋八月大疫

華亭志

八月初二日驟雨

水漲衝倒上海南城數丈壓死居民七人

閱世編

二十年辛酉秋九月有虎從西來伏東郊華陽橋灌莽

中顧氏子早行被傷又食七保柴場橋查氏男遣兵四

出捕之不獲

華亭志

婁志載被齧後逸去至天馬山遣兵搜捕不獲

二十一年壬戌歲大稔禾生一莖兩穗閒有三四穗者

有人取一束紀年月於紙藏超果寺鴛鴦殿瓦楞中乾

隆八年釋明智重修此殿乃得之

婁志

二十二年癸亥春正月至夏五月淫雨傷麥冬十二月

蒸熱如夏夜震雷暴雨

華亭志

二十三年甲子馬橋益亥家羊產一羊一猴

上海志

秋八

月初四夜海潮涌一大魚於金山衛之天妃廟前頭如

鶴黑色無鱗鬻取其肉約重二千餘斤

華亭志

二十六年丁卯秋七月大風河水暴溢傷禾是月初十

日大風雨雷電至十一日益甚破牆折木屋瓦飛空千

里內外同日俱徧屋壓及舟覆死者比比而是

華亭志

二十七年戊辰秋蟲食禾

青浦志

二十八年己巳夏有犬渡斜橋下

朱涇北十餘里水通黃浦

忽沒少

頃見大魚如鮎鬚長數尺銜犬出水面而逝

華亭志

秋七

月暴風禾盡偃九月初三日無雲而雨田禾木棉豆菽

皆無收歲饑

婁志

二十九年庚午秋七月大風雨水大作田禾花豆損壞

閱世編

三十年辛未夏四月二十四日查山大石村雷擊柳樹

高數丈劈爲二中有蜈蚣長八九尺而失其首其色紺

碧六月有龍過猛將廟地方拔銀杏一株根大如屋有

卵二斗許形如鵝子

華亭志

是月佘山塔後地中有聲如

雷忽大雨平地水深三尺有蛟兩角裂地而出

青浦志

三十一年壬申春正月朔日食

青浦志

三十二年癸酉大旱歲稜秋九月大雨水漲數尺屋宇

有飄沒者

青浦志

冬黃浦冰

上海志

川沙民家生小豬八口

內一豬隻眼額有肉角邑城俞家衙民生子一身兩首

對面隨產而斃

閱世編

三十三年甲戌冬十二月雷電大雨

青浦志

三十四年乙亥夏霖雨傷稼

青浦志

三十五年丙子夏五月亢旱

金山衛志

六月初一日颶風

大作海潮溢人民漂溺鹽場盡沒

南匯顧志

是年六月朔海溢上洋溺死

男女三百餘口
浮至尸棺無數

三十六年丁丑夏疫秋大水

青浦志

四十一年壬午夏五月海溢六月熒惑入南斗越一宿

復從中逆行而東漸退歸次

華亭志

四十二年癸未秋八月青浦龍安橋下二大魚游行其

形如船旁有小魚不可計

青浦志

四十三年甲申秋七月大旱

青浦志

四十四年乙酉夏旱秋大水浦東饑

南匯志

四十六年丁亥夏大旱浦東河涸禾豆盡槁

南匯志

月夜地震歲祲

青浦志

四十七年戊子夏霖雨五月地震自西而東聲如雷

青浦志

秋大水漂溢禾豆盡沒米騰貴民飢

南匯志

四十八年己丑春夏疫秋大水

青浦志

四十九年庚子春正月朔虹見東方夏霖雨大水

青浦志

五十一年壬辰歲大稔

華亭志

五十三年甲午夏旱

青浦志

五十四年乙未春夏霖雨秋七月颶風大作歲稔

青浦志

五十六年丁酉冬十二月赤光一道自北而南墜海中
有聲

五十七年戊戌霖雨多疾風歲禳秋九月初九日一日

三潮

並婁志

五十八年己亥春正月朔日食

五十九年庚子夏五月地震

並華亭志

六十年辛丑浦東饑民食賑粥者數千人

南匯顧志

六十一年壬寅夏旱秋七月夜有大星西北流至斗垣

大如斗其光燭天

華亭志

雍正元年癸卯夏四月八日大雨雹大者重五十斤自龍

華至牖港斃一人傷者無數

上海志

秋大旱

二年甲辰夏四月鹹潮入內河禾盡槁知府周錞元禱

於神湖始退夏五月蝗秋七月十八日颶風驟雨自辰

至酉勢轉劇錞元跣足泥濘中虔禱城隍廟風始息是

日沿海漂沒民廬人畜無算

金山志

八月海溢

青浦志

三年乙巳春二月初二日日月合璧五星聯珠秋七月

嘉禾生

華亭志

冬十一月繁霜如雪著樹作梅花竹葉狀

或稱甘露云

上海志

四年丙午秋八月靈雨害稼

五年丁未冬十一月甘露降著樹如霜華連綴纍纍嘗

之如蜜

並青浦志

六年戊申春正月甘露降江蘇巡撫魏廷珍疏聞奉

旨據奏松江地方天降甘露該省臣民皆以爲朕之功德
感召所致合詞頌祝等語夫甘露之瑞載在禮經自古以
來咸稱嘉慶今蒙

上天恩賜若不以為瑞非所以敬承

天貺也但此番未見於宮廷上苑而見於松江想因江南地方官員有惠政及民或本地人民風俗良善有上感

天心之處是以錫茲瑞應昭示羣黎朕深為該地方稱慶若官民等歸美於朕朕不敢居也但願該地方官民紳士受

天恩賜倍勵虔恭官斯土者益厚其教養之道居是邦者愈篤其忠孝之忱吏治清明民風醇厚則

上蒼眷祐錫福方來此則朕之深望也勉之勉之

聯鈔

八年庚戌歲大稔冬十一月二十八日戊刻地震

雙志

九年辛亥秋七月連日颶風拔木覆屋海溢城內街衢

皆水浦東沿海皆被災稼生食禾

金山志

十一年癸丑夏大旱疫

南匯胡志

十二年甲寅夏龍見於閔行鎮北壤民居拔木傷稼

上海志

秋七月大風海溢

青浦志

乾隆元年丙辰秋七月嘉禾生一莖雙穗或四五穗歲大

稔

華亭志

二年丁巳冬十月初五日暴風起西北有海鳥羣飛蔽

天食穀月餘始散

南匯胡志

三年戊午秋九月初三日龍鬪於泖由泖港東南入海

所過處禾稼盡傷

金山志

四年己未夏四月大雨雹傷麥冬十月野鳥蔽天傷稻

青浦志

夏四月婁縣安樂二畝民何效章妻陸氏一產三

男

婁志

八年癸亥冬十一月二十八日夜有星孛於西方月餘

始滅

金山縣志

歲大稔

青浦志

九年甲子春二月初九日雨雹如磨歷死禽鳥無數頃刻昏黑如夜篝燈後天忽霽日出不過未申時

十一年丙寅夏六月雨雪

青浦志

十二年丁卯春正月雨水介秋七月大風海溢人民漂

沒知縣王挺率士民商賈捐棺斂埋上南兩縣溺死二

萬餘人

上海志

十三年戊辰禾生兩穗閒有六七穗者

其志

冬十二月初

八日大雷雨龍見至夜嚴寒雨雪三日乃止

上海志

十四年己巳夏大疫

青浦志

十六年辛未夏六月十六日颶風大作一晝夜始息牆

垣舍宇傾倒無數先是海塘內戚家墩有一老嫗號呼

難至未幾風作海溢

或曰此大士顯靈也

冬十一月至十二月廿

露降凡五次

青浦志

十七年壬申歲大稔斗米不足百錢

十八年癸酉歲大稔秋八月一日三潮

並青浦志

二十年乙亥夏六月雷雨經月天氣如冬秋蟻生五穀木棉皆不實米價騰踊斗米二百錢冬十一月地震

並青浦志

二十一年丙子夏大疫

二十三年戊寅夏大水

並青浦志

二十四年己卯春三月彗星見南方月餘始滅秋七月

螟蟲傷稼

並青浦志

二十五年庚辰歲大稔

並青浦志

二十六年辛巳春正月朔日月台璧五星聯珠

並青浦志

夏

六月大水秋螟生冬大寒河冰塞路

並華亭志

二十七年壬午夏大水秋七月神山西巔起二蛟石裂

二洞皆盈丈大風雨平地水高數尺

青浦志

沿海城垣及

官民廨舍傾圮無數米價騰貴

南匯志

二十八年癸未十一月十一日雨雹自四圍至八圍尤

甚禾稼登場不爲害

南匯志

三十二年丁亥春青浦鬻宮雙竹生冬十月吳松灘有

虎傷人土人逐之逸至崑山界永懷寺後中槍而斃

青浦志

秋海濱漁人網得一龜腹下子午畢具文皆楷書

華亭志

志

三十三年戊子歲大稔

三十四年己丑夏大水秋七月有星芒長數尺西指至

八月而隱

並華亭志

三十七年壬辰歲大稔春二月海市見於金山衛城自

卯至酉始隱夏六月十七日午後天微雲不雨忽迅雷

一聲震縣署景柏堂前古柏一枝樹仍榮茂

並華亭志

三十九年甲午秋七月初七日風潮大雨秋九月地震

冬十月甘露降

四十年乙未秋八月十七日甘露降著草木晶瑩奪日

味若飴餠連降三夕是年禾稻大有

並華亭志

四十二年丁酉秋八月南匯一日三潮

四十六年辛丑春正月甘露降夏六月十八日大風雨

拔木覆舟壞屋廬

青浦志

七星橋北拔石坊壓民屋鹹潮

溢入內河經半月水復淡是夜沿海官民解舍多有漂沒者風作前日柘林城外有物大如屋渾沌無頭足貼地而蹶越護海塘去所過平地如溝莫識其爲何物

華亭

志冬十二月大雨雷電

青浦志

四十七年壬寅夏六月地震秋七月泗涇鎮南龍關大風壞室廬吳楊口石橋失其半拋落不知何處

四十八年癸卯秋七月七寶鎮市河中有蜈蚣數萬隨潮而入居民相戒不敢飲其水

五十年乙巳大旱

以上青浦志

五十一年丙午春二月鹹潮從浦口入府城河水如鹵

兩旬始退夏大疫時米價翔貴每斗至五百六十文

青浦志

志 嘉禾生歲大稔

華亭志

五十二年丁未歲大稔禾秀雙歧冬十二月甘露降三

日

青浦志

五十五年庚戌春四月初五日雨雹十六保尤甚

南匯志

松江府志卷八十終